

# U mio Mondu

11 fisci pidagogichi bislingui  
à scopra u nostru tarritoriu  
è a so robba pastureccia



## L'INIZIAZIONI À L'ASSAGHJU DI A ROBBA AGRICOLA

### MELI DI CORSICA



- PRISINTAZIONI
- PRUPOSTI D'ATTIVITÀ
- FISCIA INDIVIDUALI DI NUTAZIONI
- LESSICU DI L'ASSAGHJU
- PÀ ANDÀ PIÙ IN LÀ
- DIPLOMA

### U BROCCIU



- PRISINTAZIONI
- PRUPOSTI D'ATTIVITÀ
- FISCIA INDIVIDUALI DI NUTAZIONI
- LESSICU DI L'ASSAGHJU
- PÀ ANDÀ PIÙ IN LÀ
- DIPLOMA

## L'INIZIAZIONI À L'ASSAGHJU DI A ROBBA AGRICOLA

In Corsica ùn manca a robba agricola cirtificata. Ni sò discritti a fabbricazioni, u staghjunamentu è ancu u gustu à nant' à un quaternu di i carichi, da pruteghja ni i caratteristichi.



Tola d'assaghju di i meli di Corsica in AOP

### Scopi pidagogichi

- Aduprà un lessicu spificu  
Idintificà i caratteristichi
- principali di un pruduttu

### Cumpitenzi

- Tastà un alimentu è dà u so parè
- Scriva i so usservazioni à nant' à un tavuleddu

Da pudè mantena i sapè fà isulani, si sò aggruppati agricoltori, da metta in baddu dimarchji di cirtificazioni. Vali à d' ch'eddi si sò aduniti da discrive :

- a razza di l'animali ch'è dani a robba è u modu di u so allevu (si vechi a fiscia nu 1)
- i tappi di a fabbricazioni di a robba (si vechi a fiscia nu 12)
- u staghjunamentu quand'eddu accorri
- a discrizzioni di a robba cumpiita : gustu, adori, aspettu, ecc.

Cù stu travagliu, si pò uttena una marca ufficiali di a qualità :

- l'AOC, Appillazioni d'Origini Cuntrullata, in u 1998 pà i meli è u brocciu
- l'AOP, Appillazioni d'Origini Prutetta, in u 2000 (meli) è u 2003 (brocciu).

S'eddu currispondi à u quaternu di i carichi u so pruduttu, l'agricoltori pò dumandà a cirtificazioni.

Di regula, si riuniscini cummissioni d'assaghju quattru volti à l'annu. Sò cumposti da pruduttori, cunsumatori è sperti. U scopu hè di virificà a cunfurmità di a robba prisintata.

# U misu Mondu



S'appronta una stonda d'assaghju urganizata da l'AOP Brocciu.

Da un pisà à nant' à a decisioni di l'assaghjadori, si metti numeri invece di ticchetti.

crédit photo : AOP BROCCIU

Da urganizà ogni stonda, un animatori racogli a robba capunanzu. Pò avè pocu tempu par andà in ogni splutazioni : par indettu, u brocciu ci voli à magnà lu in i cinqui ghjorni dop' à a so fabricazioni. Un hè cà l'animatori à cunnoscia u nomi di l'agricultori ch'ani fattu ogni campioni, è si dà un numeru da idintificà ognunu, par ch'eddi stichini anonimi. Si dici ch'eddu si faci l'assaghju à a ceca.

I meli di Corsica t'ani 6 dinuminazioni è una detta "generica". Accadi ch'eddu presentu u so meli un apicultori cù a dinuminazioni "Meli di Castagnetu" parchi l'hà racoltu à u mumentu ch'eddu fiuriscia u castagnu. S'eddu un hè à bastanza amaru da currisponda à a caratteristica di a dinuminazioni, u ghjuru pò prupona di metta lu in a catiguria "Meli di Corsica", più generica. È puri, pudarà tena a stampiglia AOP.

*A farina castagnina, l'oliu d'aliva, u vinu, u prisuttu, a coppadi Corsica è u lonzu sò ancu eddi stampigliati AOP.  
A climintina, a naciola, u pumelu t'ani a stampiglia IGP.*



## Lessicu

- **Cirtificazioni/ pruduttu cirtificatu, robba cirtificata** : si pò uttena a cirtificazioni s'edda hè cunforma a robba à i criterii difiniti in u quaternu di i carichi.
- **Quaternu di i carichi** : documentu ch' discrivu i caratteristichi di un pruduttu.
- **IGP** : Idintificazioni Giugraffica Prutetta.

## STONDI D'ASSAGHJU IN SCOLA

St'attività si pò fà subbitu subbitu o dop'à un travagliu à nant'à i sapori o altri assaghji. Di fatti, si pò fà altri assaghji capunanzu, da travaglià u lessicu, scopra o turrà à scopra i sapori è dà u so nomi : salitu, inzuccheratu, amaru, àcidu è umami (voli di "diliziosu" in giapponesi). Sò pruposti dui esempi quì, ma si pò fà l'attività cù altra robba agricula.

### MATIRIALI

- Fiscia individuali di nutazioni x numaru di i sculari
- Diploma d'assaghjadori x numaru di i sculari
- Tuvagliola è acqua par ogni scularu. Si pò dà una mela trà i meli tastati, da caccia ni u gustu.

### Da priveda, sicondu l'assaghju sceltu :



Si piglia 1 vasettu di 250 g da 4 classi di 25 sculari.  
Un vasettu = 1 varietà di meli.  
In Corsica ci n'hè 6. S'adopra cuchjari chì si poni lavà è ognuna ghjova una volta è basta : ci voli dunqua un stuvigliu da metta ci i cuchjari brutti. I ticchetti à nant'à u vasettu sò piattati, da ùn cunnoscia u nomi di u pruduttori.



11 brocciu di 500 g da 10/12 sculari. S'adopra cuchjari chì si poni lavà. Par ogni campioni, ci voli à di s'eddu si tratta di un brocciu picurinu, caprunu o mischiatu. Di sicuru, hè più intarissanti di pruona i dui o ancu i trè.

Pà una stonda d'assaghju in scola, ci voli à prisintà u pruduttu prima di fà lu tastà, hè impurtanti. Par indettu, si farà veda u brocciu sanu da ussirvà ni a forma, a tinuta è u culori nanzu di serva lu.

## FISCI INDIVIDUALI DI NOTAZIONI

Sò pruposti 3 fischi individuali di nutazioni, sicondu u liveddu di i sculari. Si facini à parta si da quiddi aduprati in i cummissioni d'assaghju ufficiali.

COMITE DE OBSERVATION DE L'ÉCOLE DE ...		SERVICE DE OBSERVATION DE ...	
FICHE INDIVIDUELLE DE NOTATION			
Produit agricole :		Nom :	
Qualité	Aspect	Goût	Note
Commentaires :		Signature :	

### Pà a nutazioni, eccu a cudificazioni da aduprà

Cù a nota A, si nota i qualità gustativi di a robba :

1. Hè robba bunissima.
2. Hè robba bona.
3. Ùn hè robba bona.

Cù a nota B, si valuteghja a cunfurmità di u pruduttu à pett' à u quaternu di i carichi.

COMITE DE OBSERVATION DE L'ÉCOLE DE ...		SERVICE DE OBSERVATION DE ...	
FICHE INDIVIDUELLE DE NOTATION			
Produit agricole :			
Nom :			
LA VUE	L'ODORAT	LE GOÛT	NOTE
Commentaires :			Signature :

1. U pruduttu hè senza difettu.
2. T'hà qualchì difettu u pruduttu, ma ùn ci hè primura.
3. T'hà assai difetti u pruduttu.

**Varianti pà u ciculu 1 :** S'adopra mini di culori pà a stonda. U scularu pudarà culuriscia i cantari sicondu un codici simplificatu : verdi (mi piaci assai), giaddu (mi piaci), rossu (ùn mi piaci). *S'eddi sò parechji i stondi d'assaghju durante l'annu scularu, basta à riligà li da fà ni un librettu pà ogni scularu !*

FICHE INDIVIDUELLE DE NOTATION			
PRENOM :		CLASSE :	
LA VUE	L'ODORAT	LE GOÛT	NOTE
COMMENTAIRES :			SIGNATURE :

## Cunsigli







**L'adurà** Pudarà u scularu di à ciò ch'eddu li faci pinsà l'adori : una parsona, un animali, un avinimentu...

### Ad ochji chjusi, nasu tappatu

Si pò prupona di tastà un pruduttu ad ochji chjusi o cù u nasu tappatu. Par indettu, ogni scularu hà da tastà dui volti listessu alimentu, a prima volta cù u nasu tappatu, a siconda di modu nurmali. Hè listessu u gustu ? Innò, postu ch'adori ci n'hè middaii ! 5 sapori dani 20 % di u gustu di un alimentu, ma l'80 % ch'arrestani i dani l'adori. Si n'accorghji omu quand'omu hè incatarratu !



## LESSICU DI L'ASSAGHJU DI U MELI IN SCOLA

						
Nomi	Meli di branu	Meli di machja di branu	Meli di milati machjachjoli	Meli di machja d'istati	Meli di castagnetu	Meli di machja di vaghjimu
Culori	Da chjaru chjaru à culor d'oru	Ambratu	Da ambratu scuru à scurissimu	Da ambratu chjaru à chjarissimu	Ambratu	Chjaru ambratu
Gustu	Dolci fiurali, senza acidità	Gustu diddicatu di caramella o di caccaò	Maltosu, aroma di raganizza, di caramella è di frutti maturi, chì ferma in bocca	Fiurali, fruttatu, aromaticu	Meli forti, cù à pena d'amarezza à a fini	Amaru è forti in bocca
Adori	Frutti cotti o latticinu	Raganizza o noci di coccò	Lignosu, caramella, à pena animali	Da debbuli à dibbulissimu	Lignosu	Lignosu, fundariccia di caffè, scorza
Data di a raccolta	À parta si da maghju	Tuttu u branu	Da maghju à sittembri	Agostu	Fin di ghjugnu	À parta si da nuvembri
Locu di a raccolta	Litturali, piaghja o frutteti di vaddi bassi	Machja, da u mari à a muntagna	Zoni litturali è arburati, machja	Vaddi alti	Meza muntagna	Da u litturali à a muntagna
Fiori suchjati	Talaveddu, climintini, mimusà, ...	Scopa bianca, piumbinu marittimu, ghjinestra...	Muchji, lecci, calitti...	Arba barona, lamaghji...	Castagnu...	Albitru...

*Par ùn tena un adori in u nasu, basta ad adurà u sopra di a mani .  
Par ùn tena u gustu, si magna un pezzu di mela o si bii l'acqua trà dui campioni.*



Par ùn tena un adori in u nasu, basta ad adurà u sopra di a mani . Par ùn tena u gustu, si magna un pezzu di mela o si bii l'acqua trà dui campioni.

**Da tena à menti**

Ci voli à tastà un alimentu setti volti nanzu di di ch'eddu ùn piaci micca.

## LESSICU DI L'ASSAGHJU DI U BROCCIU IN SCOLA

Criterii da ussirvà		QUALITÀ	DIFETTI
A vista	Culori	Biancu, bianchicciu	Giaddognu, grisgiu
	Aspettu	Luccicanti	Opacu, slùccicu
	Forma	Trimacciulanti, soffici, si teni	Micca trunconicu
	Tinuta	Umidu	Cumpattu, duru
	Umidità	Umidu	Trosciu, acquosu, seccu

Criterii da ussirvà		QUALITÀ	DIFETTI
L'adurà	Adori	Adori tippicu di u brocciu Seru (lighjeru)	Adori frusteri o senza adori Troppu seru, caghjatu

Criterii da ussirvà		QUALITÀ		DIFETTI
	Aroma in bocca	Aroma tippicu di u brocciu Lattinosu, imbrustulitu, fruttu seccu, fenu		Frusteri, agru, brusgiatu
U gustu	Cunsistenza in bocca	Graniddatu o micca	Umugeniu Lisciu	Prisenza di pezzi di frumagliu Graniddatu, grumbulosu
		Tinuta	Untuosu	Duru
		Materii grassi	Crimosu Sdrughji	Pari ghjesciu
		Ùmidu	Ùmidu	Seccu Traseccu
	Sapori	Salinità	Salitu	Persistenza di sali Troppu Sali Lazzu
		Acidità		Àcidu



*Par ùn tena un adori in u nasu,  
basta ad adurà u sopra di a mani .  
Par ùn tena u gustu, si magna un  
pezzu di mela o si bii l'acqua trà  
dui campioni.*



**Da tena à menti** Ci voli à tastà un alimentu setti volti  
nanzu di di ch'eddu ùn piaci micca.



Cumitatu d'assaghju di a scola di : ..... Stonda d'assaghju di u : .....

FISCIA INDIVIDUALI DI NUTAZIONI					
Robba assaghjata :		Nomi :		Classa :	
Numaru di u campioni	Usservu	Adoru	Assaghju		Nota A
	A vista : aspettu, culori	L'adurà : intensità, qualità	U gustu : qualità, persistenza, rigustu	U sapori	Nota B
Cummenti :					Firmata :

CUMITATU D'ASSAGHJU DI A SCOLA DI :

STONDA D'ASSAGHJU DI U

## FISCIA INDIVIDUALI DI NUTAZIONI

ROBBA ASSAGHJATA :

NOMI :

CLASSA :



### I SENSI

### U SAPORI

	I SENSI			U SAPORI				
	A VISTA	L'ADURÀ	U GUSTU	SALITA	INZUCCARATA	ACIDA	AMARA	UMAMI
1								
2								
3								
4								

CUMMENTI



FIRMATA

## ROBBA ASSAGHIATA

NOMI		FISCIA INDIVIDUALI DI NUTAZIONI				U GUSTU	NOTA
CLASSA		A VISTA	L'ADURÀ				
		1					
		2					
		3					
		4					
CUMMENTI						FIRMATA	

## ROBBA ASSAGHIATA

NOMI		FISCIA INDIVIDUALI DI NUTAZIONI				U GUSTU	NOTA
CLASSA		A VISTA	L'ADURÀ				
		1					
		2					
		3					
		4					
CUMMENTI						FIRMATA	



*U mia Monda*

# DIPLOMA D'ASSAGHJADORI

Nomi : .....



*Niruccia*



*Pinnacciatu*



Parc  
naturel  
régional  
de Corse  
Parcu di Corsica

## DA SAPÈ NI DI PIÙ



### **Fiere di Corsica - FFRAAC**

Certi fieri urganizeghjani un cuncorsu chì ricumpinseghja l'agricultori pà a qualità è a sputichezza di a so robba.

Cusì **A Fiera di a Castagna** in Bucugnanu (di dicembri), **A Fiera di u Casgiu** in Venacu (di maghju), **A Fiera di l'Alivu** in Montegrossu (di lugliu). In u 2023, **U Mele in Festa** hà criatu u so prima cuncorsu in Murzu (di sittembri).

[www.foiresdecorse.com](http://www.foiresdecorse.com)



### **Sindicatu interprofessionali di difesa è di prumuzioni di l'AOP BROCCIU**

[www.aop-brocciu.com](http://www.aop-brocciu.com)



### **Sindicatu AOP Meli di Corsica - Mele di Corsica**

[www.mieldecorse.com](http://www.mieldecorse.com)



### **Guida Scolì di Gustu**

<https://agriculture.gouv.fr/decouvrir-lalimentation-par-les-cinq-sens-les-classes-du-gout>

## **Crediti fotò :**

Pagina 1 : Stella EMMANUELLI  
Pagini 2 è 6 : Sindicatu AOP Brocciu  
Pagina 5 : Sindicatu AOP Meli di Corsica  
Pittugrammi : PNRC

## **Curretta di l'attività :**

Ùn ci hè risposta bona o micca bona quand'eddu si tratta di u gustu. Però, in u quattru di un assaghju ufficiali, i partecipanti ci voli ch'eddi piglini in contu u quaternu di i carichi chì difinisci ogni pruduttu. Cù sta stonda, si pò cunnoscia megliu i caratteristichi di i dui prudutti pruposti.